

3527

1904

Ռ. ԽԱՆԱԶԱՏ

ԻՐԷԱԼԻԶՄ

ԹԻ

ՄԱՏԵՐԻԱԼԻԶՄ

Ուսումնասիրութիւն

ԹԱՐԻԶ

Ատրլաւանի Հայերի Թեմական տաղարան
Ֆիւտակ վարանից եղիաբէր Միգրէլեանի

1904

№ 2 ՀՐԱՆՈՒՄԻՆԻՄԻՆԻ
ԸՏՐՊԵՏԻ

6 MAY 2013

3527

ԱՐՄԱՏՎՈՒԹՅԱՆ
ԿՐԹԱԿԱՆՈՒԹՅԱՆ
ՄԱՐԿԱԿԱՆՈՒԹՅԱՆ
ԿՐԹԱԿԱՆՈՒԹՅԱՆ

ԱՐՄԱՏՎՈՒԹՅՈՒՆ

ՏԱՐԱԶ Հանդիսի № № 4—11— 1900 թ.

ԻԳԷԱԼԻԶՄ Թ՛՛՛՛ ՄԱՏԵՐԻԱԼԻԶՄ

Ներկայ յօդածով մենք կամենում ենք ճարագի ընթերցողներին ծանօթացնել այն մտքերի ու գաղափարների մրցման հետ, որ վերջին տարիներում տեղի է ունենում Ռուսաց մամուլի մէջ և որ գնալով, թէ աւելի հետաքրքրական և թէ աւելի սուբ կերպարանք է ընդունում: Կարծում ենք, որ աւելորդ է բացատրել, թէ որ աստիճան Ռուսաց կայսերութեան մէջ ապրող հայերիս կեանքը սերտ կապւած է ամբողջ պետութեան կեանքի հետ և թէ որ աստիճան մենք, թէ մեր մտքերով ու գաղափարներով և թէ մեր գործունէութեամբ, ուղղակի հետևողներ ենք Ռուսաց զրական ու հասարակական գործիչների, ինչպէս որ այս վերջինները հետևողներ են արևմտեան երոպացիների: Ռուսաստանը, զանազան աշխարհագրական ու պատմական հանգամանքների շնորհով արևմտեան երոպական երկրներից ու է սկսել զարգանալ, բայց մէկ անգամ արդէն զարգացման ու յառաջադիմութեան ուղիի վրա կանգնելով, նա սկսել է հաստատ քայլերով առաջ գնալ իր կարապետների յետևից ու իր յետևից էլ նոյն ուղիով քարշ է տալիս և իր հպատակ

մանր ազգութիւններին, որոնց թւում և հայերին: Ուրեմն այն մտքերն ու գաղափարները, որոնցով ասացինք, այժմ զբաղած է ուսաց մամուլը, ոչ նոր են և ոչ զուտ սուսակաւն. այդ վէճերը սկսել են արեւմտեան Եւրոպայում դեռ 40—50-ական թւականներին, բայց ուսաց տնտեսական ու սոցիալական կեանքի յետամնացութեան պատճառով, հիմա են միայն սաստիկ զբաղեցնում ուսաց մամուլին: Մեր խօսքը «իդէալիզմ» և «տնտեսական մատերալիզմ» անունը կրող ուղղութիւնները կամ աշխարհայեցողութիւնների մասին է, կամ աւելի ճիշտն առել, այդ աշխարհայեցողութիւններով մարդկային պատմութիւնն ու յառաջագիմութիւնը բացառելու և լուսարանելու մասին է:

I Գեո շատ հին ժամանակներից սկսած՝ գանձադան ազգերի մտածողները, փիլիսոփաները և մանաւանդ հասարակական խնդիրներով զբաղող գիտնականները միշտ աշխատել ու գլուխ են յոգնեցրել իմանալու համար, թէ արդեօք ինչպէս է ընթանում մարդկային պատմութիւնը, ուր է տանում մեր յառաջագիմութիւնը. զէպի բարօրութիւն, թէ վէպի խեղճութիւն: Եթէ պատմութիւնն է մարդոց համար և ոչ մարդիկ պատմութեան համար, ուրեմն յառաջագիմութիւնը պիտի մարդոց միշտ գէպի երջանկութիւն ու ազատութիւն տանի, այն ինչ իրապէս ճիշտ հակոռակն է լինում. քաղաքակրթութեան աւելի ստոր աստիճանի վրա կազնած ցեղերը աւելի ազատ

ու երջանիկ են զգում իրանց, քան աւելի քաղաքակրթածները: Արդ՝ ինչիցն է արդեօք, որ մարդկութիւնը մի կողմից, բանի դնում, քաղաքակրթում է, գոյութեան կուրի միջոցները գնալով հեշտանում են, երկրի հարստութիւնն աւելի ու աւելի մեծանում է, իսկ միւս կողմից մարդկութեան մեծամտնութիւնն աւելի ու աւելի թրջւումնում է, գերի դառնում փոքրամտնութեան, որ անխղճարար հարստահարում, կեղեքումու տանջում է այդ մեծա մասնութեան : Եւ շէ՞ կարելի արդեօք կամ ինչ միջոցներով այդ հակասութեան — անօմալիաի — առաջն առնել ու այնպէս անել, որ մարդոց դարեւոր տառապանքներին վերջ դրւի. մարդիկ բոլորն էլ հաւասար բարեկեցութիւն, անհատական ազատութիւն ունենան և ամէնքն էլ հաւասարապէս օգտին գիտութեան ու քաղաքակրթութեան աւած բարեքներից: Այս խնդիրները լուծելու և մի դրական որոշում տալու համար, այդ գիտնականները մարդկութեան հեռւուոր անցեալի մէջ էին խորասուզւում. ուսումնասիրում էին վայրենի ցեղերի, նրանց նիստ ու կացը. նրանց փոխադարձ յարաբերութիւնները, բարոյականութիւնը, աշխարհայեցողութիւնները և այլն, որ կարելի լինի իմանալ, թէ արդեօք մարդիկ իրնէ բարի են ծնւում, թէ չար: Եթէ բարի են ծնւում, կ'ընշանակէ քաղաքակրթւած ազգերի թշուառութեան զլիսուոր պատճառը հէնց ինքը քաղաքակրթութիւնն է, կամ գուցէ և քաղաքակրթութիւնը, ինքն ըստ ինքեան, վատ բան չէ, միայն թէ մարդոց պետութեան շնորհով վատ ընթացք է ստացել: Ուրեմն, խելօք մարդիկ, այսինքն իրանք՝ գիտնականները՝ կարող են և պէտք է քաղաքներն ու հասկացնեն այդ

ընթացքի սխալ կողմերը մարդոց, երկրի իշխաններին ու պետերին, բացատրեն և ցոյց տան աւելի ուղիղ ճանապարհ, որ նրանք վերջապէս ուղղեն իրանց պապերի ազիտութիւնից առաջացած սխալները: Իսկ եթէ մարդիկ իրենէ շար են ծնուում, զբռնից էլ չպէտք է յուսահատուի. շարութիւնը դասելու համար կառավարութիւն և օրէնքներ կան, միայն անհրաժէշտ է դարձեալ, որ գիտնականները կառավարիչներին ու օրէնսդիրներին բացատրեն մարդկային պատմութեան արած սխալները, աւելի նպատակայարմար օրէնքներ ու միջոցներ ցոյց տան նրանց, կամ թէ չէ, — որ աւելի կտրուկ ճանապարհն է, — հէնց իրանց — գիտնականների ձեռքը տան կառավարչական ամբողջ դէպք և այն ժամանակ նրանք ամէն բան կը կարգադրեն այնպէս, որ մարդկութեան համար երկնային դրախտ կստեղծուի երկրի վրա: Մի իօտորով բոլոր մտածողներն էլ վերջիվերջոյ գալիս էին այն եզրակացութեանը, թէ մարդոց թշուառութեան պատճառը գլխաւորապէս իրանց ազիտութիւնն է, թէ նրանք մուրել ու շեղել են բնութեան տւած օրէնքներից. բաւական է, որ նրանք հասկանան ու ըմբռնեն իրանց — գիտնականների — ցոյց տւած մտորութիւնները, լսեն նրանց և այն ժամանակ շատ հեշտութեամբ կաւղղւի անցեալի սխալը ու միանգամից վերջ կը արւի մարդկութեան կրած բոլոր տառապանքներին: Այս ձևով խնդիրը որոշելուց յետոյ, պատմութեան մէջ ամէն բան գաղափարից ու մարդոց կամքից կախեալ համարելով, այդ իդիօլոգները հազարաւոր հատորներով զանազան ընկալանք էին ներկայցնում մարդկութեանը, նրա տնտեսական, հասարա-

կական ու քաղաքական խնդիրները կարգադրելու համար: Եւ ի հարկէ, զարմանալի չէ, որ նրանց բոլորի ընցեպաներն էլ տարբերվում էին միմիանցից ու ամէն մէկը իր ուղղութիւնն ու գաղափարներն էր գոփում և իրանն էր առաջարկում ընդունելու:*)

Բայց ցաւալին այն է, որ մինչ այդ գիտնականները իրանց մեծամեծ հասարակներով ընցեպաններն էին գրում, մարդկային կեանքն ու պատմութիւնը շարունակուում էին իրանց գծած ուղիղով առաջ գնալ ու զարգանալ. իսկ մարդկութեան մեծամասնութիւնը շարունակուում էր միշտ միևնոյն դժոխքի մէջ մնալ, ինչ էր և առաջ: Ընդհանրապէս, Փրանսիական մեծ յեղափոխութիւնից յետոյ, արևմտեան Եւրոպայի գանազան երկրներում և վերջն էլ Ռուսաստանում, մէկը միւսի յետեից սկսում են կտրատուի թեան շղթաները, բայց, ինչպէս ստորև կը ասենք, այդ ոչ թէ այն ժամանակայ գիտնականների քարոզած մտքերի ու գաղափարների շնորհով է լինում, այլ լոկ արդիւնաբերական միջոցների ու տեխնիկայի զարգացման և անտեսական յարաբերութիւնների փոխելու շնորհով: Սակայն առաջին անգամից այդ իդիօլոգ գիտնականները մեծ հրճւանքի մէջ էին. նրանք այնպէս էին հաւատացած, թէ անարգ ճորտութիւնը իրանց քարոզած գաղափարների ազդեցութեան տակ խորտակեց: Բայց յետոյ, սր-

*)Տես. Н. Карелинъ „Жанъ Жакъ Руссо. Опытъ характеристики его общественныхъ идей“. *հրատարակութիւն Պ. Բ. Սարուլէի, Պետերբուրգ. 1899 թ.*

չափ մեծ էր նրանց հիստօթափութիւնը, երբ նկատեցին, թէ իրանք սաստիկ սխալել են, որովհետեւ, թէեւ ճորտութեանը վերջ արեցաւ, բայց իրաւապէս մարդիկ դարձեալ ճորտերն մնացին, այս անգամ պրօքետարիատի ամենայն սեպականութիւնից զուրկ բանւորներէ ձեւ տակ: Եւ չիրաւի, կապիտալիստական արդիւնաբերութիւնը, իր ունեցած առաւելութիւններէ հետ միասին, այնպիսի մի թշուառութիւն, խեղճութիւն ու բարքերի ավականութիւն առաջ բերեց, որ ամէնքն էլ սոսկացին...

Սկսեց հասարակական գիտութիւններէ նոր ուսումնասիրութիւն, նոր հետազօտութիւններ և հասարակական ու քաղաքական կազմակերպութեան նոր ու բազմաձև սակ բեցեպ աներ: Մնալով միշտ միևնոյն ուտոպիստները, հաւատարիմ կենալով միշտ այն սկզբունքին, թէ մարդն է իւր նակասագրի տէրը ու պամուրեան հասարակութիւնը, թէ մարդկային բոլոր թշուառութիւններէ պատճառը, ազիտութիւնն է, իրանց շարն ու բարին չհասկանալն է և այլն, նրանք այս անգամ իրանց րեցեպանները ոչ միայն երկրի կառավարիչներին ^{սոսկեպ. տրամաւ} ներին էին առաջարկում, այլ և հասարակ ժողովրդին. բանւորներին ու արհեստաւորներին, հրաւիրելով նրանց ընդհանուր ոյժերով այնպիսի արհեստանոցներ ու գործարաններ հիմնել, որտեղ բոլորն էլ հաւասարապէս աշխատեն ու իրանց արդիւնաբերութիւնը հաւասարապէս բաժանեն իրանց մէջ և այլն: Հարուստ իդիօլօգ անգլիացի Ռօբերտ Օուէնի Անգլիայում ու Ամերիկայում այդ սկզբունքներով գործարաններ հիմնելը, կոլտնիս հաստատելը և զրանց պատճառով բոլորովն սնանկանալը — սում յայտնի չէ: Իսկ

Պրուդօնի և Լուի Բլանի քարոզած ազգային բանկերը ու դանադան բանւորական ասօսիացիները (արդիւնաբերական ընկերութիւններ) հիմնելու գաղափարներով մինչև այսօր էլ դեռ հրապուրեողներ կան թէ Արևմտեան Եւրոպայում և թէ Ռուսաստանում. (ինչպէս օրինակ Պ. Լեւիցկին) —

Բայց որչափ էլ շաշխատեցին այդ քաղաքատնտես ու սոցիօլօգ բժիշկները, որչափ էլ նրանք խիստ միջոցներ չառաջարկեցին հիւանդոտ հասարակական ու քաղաքական կազմակերպութիւնը բժշկելու համար, դարձեալ ոչինչ չօգնեց. յամառ պատմութիւնը շարունակեց միշտ իր գծած ճանապարհով ընթանալ ու զարգանալ. կապիտալիստական արդիւնաբերութիւնը գնալով զարգացաւ, կապիտալիստների հարստութիւնը շտեմեւած մեծութեան հասաւ, ի ոչոր արդիւնաբերութիւնը իր մրցութեով ստագլից, ոչնչացրեց բոլոր ընկերական հիմունքներով կազմած մասնաւոր արդիւնաբերական ձեռնարկութիւնները: Քաղցած պրօքետարիատը, գնալով բազմացաւ, իսկ իդիօլօգ անհատը մնաց շարած իր անզօրութեան և... սարգոց ազիտութեան վրա, որ խուլ մնացին իր գեղեցիկ քարտիկներին...

Եթէ մենք պտուս ենք, թէ այդ իդիօլօգ գիտնականների ու հասարակական գործիչների արած վերջնական հաշիւները սխալ դուրս եկան մարդկային պատմութեան վերաբերեալ, եթէ առում է, թէ նրանց մտածողութեան հիմնական ձևը կամ տէօրիան սխալ էր, այդ, ի հարկէ, չէ նշանակում, թէ նրանց գիտնական աշխատութիւնների ու վեճ ձգտումների նշանակութիւնը գրանով պակասում է: Նրանց գործերը, անկեղծ ու բարձր գաղափար-

ները, հասարակական խնդիրները վերաբերեալ արած հետազոտութիւններն ու ուսումնասիրութիւնները այնպիսի մի գտնած են մարդկային մտքի մշակութեան գործում, այնպիսի վիթխարի արձաններ են, որ հազիւ թէ մարդկութիւնը կարողանայ նրանց մոռանալ, իսկ նրանց սխալները շատ հասկանալի ու նոյն իսկ բնական են դառնում, եթէ պատմութեան ու հասարակական խնդիրների վրա նայենք տնտեսական մատերիայի դերի տեսակէտով: Բայց նախ քան այդ տէօրիայի մասին խօսելու, արենք մի քանի խօսք էլ այն մասին, թէ ինչպէս արեւմտեան Եւրոպայի իդէալիզմը անդրադարձաւ ուսաց գրականութեան ու կեանքի մէջ:

II. Ռուսաց գրականութիւնը ինչպէս յայտնի է, շափագանց մանուկ է. նրա փայլը սկսեց բառասնական թրտնանքներին, երբ արեւմտեան Եւրոպայի յեղափոխական շարժումներից ոգևորւած ուսաց երիտասարդութիւնն էլ սկսեց բուռն կերպով աշխատել ճորտերի ազատութեան համար: Ում յայտնի չեն Բելլինսկու, Հերցենի, Գրանովսկիի և այլոց անուններն ու աշխատութիւններն, որոնք եւրոպական իդիօլոգների օրինակին հետեւելով, շարունակ անհատական ազատութիւն և ընդհանուր ժողովրդի բարեկեցութիւն էին քարոզում: Այդ ժամանակների ուսաց հասարակական ու գրականական գործիչները երկու կուսակցութիւնների էին բաժանւել. մէկը ազատամիտները, որոնք յայտնի են «արեւմտեան (западникъ) անունով, իսկ միւսը «սլաւիանօֆիլներին» կուսակցութիւնն էր, որոնց պարագլուխն էին Ակսակով և ուրիշները:

Այդ երկու կուսակցութիւնների գլխաւոր տարբե-

րութիւնը նրանումն էր, «արեւմտականները», ամբողջապէս ընդունելով եւրոպացիների գիտական տէօրիաները ու աշխարհայեցողութիւնները, շատ իրաւացի կերպով ասում ու պնդում էին թէ՛ ռուս ժողովուրդը եւրոպական ազգերի մի ընտանիքը կազմելով, ենթարկւած է միևնոյն պատմական օրէնքներին, հետևապէս նա էլ պիտի անցնի առաջադիմութեան ու զարգացման նոյն ուղիղով ինչ ուղիղով որ անցել են եւրոպական ազգերը: Եւ խնդրի վրա այսպէս նայելով, նրանք, ինչպէս ասացինք, իրանց գաղափարներով ու հասարակական գործունէութեամբ ամբողջապէս հետևում էին եւրոպական ազգերի առաջադէմ իդիօլոգ կուսակցութիւններին, իսկ սլաւիանօֆիլները. նոյնպէս ընդունելով անհատի ներգործական դերը ազգերի պատմութեան մէջ, զանազան փաստերով հաստատում էին, թէ սլաւոնական ազգը շատ ու շատ կողմերով տարբերում է Յրանսիացիներից, գերմանացիներից և այլն ուստի նա պէտք է բոլորովին տարբեր ուղիղով զարգանայ ու առաջադիմէ: Նրանք շատ անգամ այնպիսի ոգևորութեան էին հասնում, որ աշխատում էին հաւատացնել, թէ վերջիվերջոյ եւրոպական ազգիչը պիտի հետևին ուսաց օրինակին ու զբանցից շատ լաւ բաներ պիտի փոխ վերցնեն, և ոչ թէ ուսները նրանցից...

Մենք այստեղ սլաւիանօֆիլներով չենք զբաղւել. մեզ համար աւելի հետաքրքիր են «արեւմտականները»: Այդ կուսակցութիւնը իր բոլոր սկզբունքներին հաւատարիմ մնաց մինչև այն ժամանակները, երբ ճորտութեանը կատարելապէս վերջ դրեցաւ ամբողջ Եւրոպայում. արեւմտեան երկիրներում 40-ական թւականներին, արիւնա-

հեղ յեղափոխութիւններից յետոյ, իսկ Ռուսսաստանում վաթսուհակաւ թւականներին, առանց արեւուհեղութեան: Իսկ զբանից յետոյ «արեւմտակաների» առաջ մի ոտակալի տեսարան է բացուում. նրանք սարսուռ են զգում, նկատելով, թէ ինչպէս արեւմտեան երկրներում կապիտալիտական արդիւնաբերութեան զարգանալով, բազմանում է և քաղցած պրօլետարիատը, քայքայւում է բնական անտեսութիւնը, ազականում են ժողովրդի բարբերը. մի խօսքով նրանք տեսնում են, որ այդ ազգեբն յառաջագիւտութեան ուղին սաստիկ փշոտ է և, վախենալով, թէ մի գուցէ Ռուսաստանն էլ այդ նոյն ուղիով ընթանայ, նրանք կամաց-կամաց սկսում են իրանց եւրօպացի ուսուցիչներին հետ այլևս չհամաձայնել շատ խեղիքների մէջ կամ աւելի ճիշտ է ասել, նրանք այս անգամ ուսուցիչներ են ընտրում աւելի յետադեմ առաջագիւտականների շարքերից և այդպիսով իրանքն էլ հետզհետէ յետ են մնում արեւմտեան իսկական առաջագիւտականներից, թէև Ռուսաստանի վերաբերեալ, նրանք չեն դադարում ամենածայրայեղ առաջագիւտականները մնալ այն ժամանակներում: Օրինակի համար՝ այն ժամանակ, երբ Լեւոպական սոցիօլօգները, իրանց կատարած հետազօտութիւնների հիման վրա, գալիս էին այն եզրակացութեանը, թէ բնական անտեսութիւնը հետզհետէ ամբողջապէս տեղի է տալիս կապիտալիստական արդիւնաբերութեանը, թէ նահապետական համայնական հողատիրութիւնը արագութեամբ քայքայւում է, թէ գիւղացի ժողովուրդը պատմութեան մէջ այլևս չառ յետագիւտական ու պահպանողական տարր է կազմում, ուստի առաջ-

գիւտականների ամբողջ աւշադրութիւնը պիտի դառնայ բաղադրեալում համախմբւած պրօլետարիատի վրա, որոնց թիւը գնալով բազմանում է և որոնք, իրանց կեանքի պայմանների շնորհով, միտի առաջագիւտական տարրն են կազմում. այն ժամանակ, երբ հօգնայ Լաստրը ճիշ էր արձակում պրօլետարի-բանտրներին՝ համախմբել ու զուտ քաղաքական կուսակցութիւն կազմել. ճիշտ այդ ժամանակ, ասում ենք նշանաւոր ուսու «արեւմտական» քաղաքատես, սոցիօլօգ և հլւպարակախօս Չերնիշևսկին ու նրա հետևողները արդէն իրանց թարմութիւնը կորցրած, Սէն-Սիմօնի, Փուրիէի և Պրուդօնի ուսուցիչաններով սգեորւած, հիանում էին ուսու մուժիկների կեանքով, նրանց նահապետական նիստ ու կացիով, բարբերով և նամանանդ նրանց պահպանած համայնական հողատիրութեամբ, որը, նրանց ասելով, մի շատ լաւ կատարեալ պատրաստի հող էր ներկայացնում, Սէն-Սիմօնի, Պրուդօնի և միւսների ուսուցիչանները դարձադրելու համար: Ո՛րչափ անշխատանք ու եռանդ են թափել Չերնիշևսկին ու նրա հետևողները ստատիստիկական թւանշաններով հաստատելու համար, թէ Ռուսաստանում գիւղական համայնքը դեռ բոլորովին քայքայման նշաններ չէ ցոյց տալիս և այլն: Սակայն ոչ մի բոպէ չէ կարելի ենթադրել, թէ Չերնիշևսկին պահպանողական կամ պակաս ազգանդի տէր մարդ էր, զիցուք ճէնց Լաստից, բոլորովին ոչ: Մինք կարծում ենք, որ եթէ նա եւրօպայում ապրելիս լինէր, Լաստից պակաս չէր գտնուիլ, քայց Ռուսաստանում ապրելով, նրա դադափարները շափաղանց տարբերւում էին իր ժամանակակից եւրոպական առաջագիւտականներից և, նրանց

համեմատութեամբ, շատ յետամնաց էին:

Արդ՝ ինչով բացատրելու բերեմն Չերնիշևսկիի ու նրա հետևողների գաղափարների յետամնացութիւնը, ինչով բացատրել այն, որ մինչև ճորտութեան վերացումը նրանք հաւատարիմ հետևողներ էին իրանց եւրոպական ուսուցիչներին, իսկ այդ պատմական մեծ քայլից յետոյ, սկսում են յետ մնալ նրանցից: Թէ այդ և թէ՛ ընդհանրապէս բոլոր իզիօրոզների, վերևում ասած, սխալները կատարելապէս պարզում են, եթէ, ինչպէս ասացինք, պատմութեան և հասարակական խնդիրների վրա նայենք անտեսական մատերիալիզմի տեսակէտով, և ահա թէ ինչպէս:

III. Մինչև ճորտութեան վախճանը Ռուսաստանն ու եւրոպական միւս երկիրները բոս երեւոյթին գտնւում էին պատմական, իրարից ոչ այնքան հեռու շրջանների մէջ. կարծես թէ Ռուսաստանումն էլ միևնոյն տնտեսական յարաբերութիւնները, միևնոյն հասարակական, սոցիալական ու քաղաքական պայմանները, կարգերն էին տիրում, այն ինչ իրապէս բոլորովին այդպէս չէր: Արեւմտեան եւրոպական երկրներում, դեռ արիւնահեղ յեղափոխութիւններից առաջ, ֆէօդալականութեան ծոցում, արդիւնաբերութեան միջոցների և առևտրի կամաց-կամաց զարգանալով, նախկին բնական արդիւնաբերութեան կողքին, առաջ էր եկել կապիտալիստական արդիւնաբերութիւնը, որի շնորհով փոխել էին և մարդոց ու դասակարգերի տնտեսական ու հասարակական յարաբերութիւնները: Հողը և հողատիրութիւնը, որ ամեն բան էին բնական տնտեսութեան ժամանակ, կորցնում են իրանց նախ-

կին նշանակութիւնը և տեղի են տալիս դրամին ու դրամատիրութեանը: Այն բուրժուազիան, որ առաջ ոչ մի նշանակութիւն չունէր ու գուրկ էր ամէն քաղաքական իրաւունքներից, որի վրա ֆէօդալական իշխաններն ու հողատէր ազաները սրհամանքով էին նայում և մինչև իսկ ստորութիւն էին համարում ձեռք տալ նրանց, կապիտալիստական արդիւնաբերութեան ու վաճառականութեան զարգանալով, այնպիսի դրամական ոյժ և նշանակութիւն է ձեռք բերում, որ այդ նոյն իշխանները նրանցից փոզ վերցնելու դիտումով, նրանց բարեկամութիւնն են փնտում, իրանց անմատչելի սալօններն են հրաւիրում ու քաղցր ժպտում են նրանց երեսին: Երկրի հողերը մեծ մասամբ ծախում կամ գրաւ են դրւում դրամատէր բուրժուազի մօտ, թէ՛ կառավարչական հետզհետէ աճող ծախսերը հողալու և թէ՛, նոյն բուրժուազիայի ստեղծած նորանոր, պէտքերին և հաճութիւններին գոհացում տալու համար: Այն տեղն է հասնում, որ մինչև անգամ անարբւած բուրժուանները մինխաարութեան բարձր պաշտօնների են հրաւիրւում...

Տնտեսական յարաբերութիւնների այսպէս փոխելուց յետոյ, շատ ընական էր, ի հարկ է որ այդ, մինչև այդ ժամանակ հյու հպատակ. իսկ այժմ երկրի իրական տէրը դարձած բուրժուազիան. իր և իր նման զրկւածների համար քաղաքական իրաւունքներ պահանջէր: Այդ պահանջը նամանաւոր ստիպողական էր դառնում այն պատճառով, որ ֆէօդալական օրէնքներն ու կարգերը մեծ արգելառիթներ էին կապիտալիստական արդիւնաբերութեան յետագայ զարգացման ու բարգաւաճման: Օրինակի

համար վերցնենք հէնց այն, որ գործարանների հիմնելով, գործարանատէրերին անհրաժեշտ էին արտա և ածած գործարաններ ունենալ, այն ինչ ճորտերը չէին կարող իրանց տէրերի հողերը անմշակ թողնել ու գնալ գործարաններում աշխատելու: Կընչանալէ, արգիւնաբերական միջոցների (աշխատանքի) բաժանումը, մեքենաներ և այլն) փոփոխման պատճառով, առաջ եկան այնպիսի պայմաններ ու հանգամանքներ. որոնց շնորհով ճորտութիւնը այլևս անկարող էր իր գոյութիւնը պահպանել: Եւ ընկաւ, ոչ թէ XVIII ու XIX դարերի փոխադասութեան մեծահատոր շարագրութիւնների ազդեցութեամբ. այլ իրերի բնական բնրացի, սէսեռական ներքին փոփոխութիւնների պատճառով:

Ուստիստեղծում սկսեցին պատմական պրոցեսը փոքր ընդ տարրեր կերպարանքի մակ է կատարում: Թէև այստեղ էլ ճորտութեան վերացնելու պատճառները դարձեալ անտեսական են (ուրիշ պատճառներ չեն էլ կարող լինել), բայց դրանց կարելի է տեսլի արժանիքն պատճառներ անւանել: Ինչպէս ասացինք, Ռուսաստանը, դանաղան պատմական հանգամանքների շնորհով ու է սկսել դարգանալ, բայց նա իր աշխարհագրական դիրքի և շարունակ իր դրացի դարգացած աղբերի շնորհով զանաւոր պատճառով, ստիպուած է եղել պատմական կայարաններում ֆազիսներում—չատ երկայ շրկանգնել. կամ, տեսլի ճիշտ է ասաց այդ դրացի դարգացած երկրներում առաջացած անտեսական ու քաղաքական փոփոխութիւնները, անմիջապէս Ռուսաստանի վրա ազդելով՝ այստեղ էլ են առաջացնում նախանման փոփոխութիւններ: Այդ փոփոխու-



թիւնների կարգիցն էր և ճորտութիւնը վերացնելը: Մինչև վաթսուական թաւականները թէև Ռուսաստանում դեռ բնական անտեսութիւնն էր տիրապաւում, թէև կապիտալիստական արդիւնաբերութիւնը դեռ սողմի մէջ էր գտնուում, այդուամենայնիւ եւրոպական երկրներում փոփոխուած անտեսական պայմանները իրանց ալիքները տարածելով, Ռուսաստանի մէջ էլ մի յայտնի շափով, նոր կարգերի փոփոխութեան պահանջ էին ծագեցրել: Եթէ Խրիմի պատերազմը չըլինէր, կամ եթէ Ռուսաստանն էլ, դիցուք Չինաստանի նման, առաջագէմ երկրների հետ սերտ յարաբերութիւն չունենար, շատ հաւանական է, որ դեռ երկար ժամանակ շարունակէր իր բնական անտեսութեամբ ապրելը, բայց այդ պատերազմից յետոյ, իսկոյն աչքի ընկան վերոյիշեալ նոր ծագած պահանջները, ամենից առաջ երկրի մէջ հազարակցութիւն լաւ միջոցների՝ երկաթուղիների բացակայութիւնը զոյցուեց, յետոյ այն, որ երկիրը զբամով աղքատ էր. լաւ լը սաղմամթերք կային ունենալու համար, մինչդեռ Եւրոպայում ամեն ինչ զբամով էր կատարում: Նկատեց որ բնական անտեսութիւնը անկարող էր կառավարչական բիւջաը լրացնել, սրովհետև հոգատէր աղնականներ իրանք էլ փողի մեծ կարօտութիւն ունէին, իսկ գիւղացիներից չէր կարելի ոչինչ ստանալ. քանի որ նրանք մեծ մասամբ ճորտեր էին: Երկրում խոշոր արդիւնաբերութիւն չըկար, իսկ այս վերջինին մի առանձին վարկ տալու և առատ դրամ ունենալու համար, անհրաժեշտ էր շուտով ազատել ճորտերին և ժամանակի պահանջի համաձայն կարգեր հաստատել:

Այս պատմական մեծ պրոցեսը կատարեց 60-ական թվականներին, որից յետոյ միայն Ռուսաստանում սկսուում է կապիտալիստական արդիւնաբերութեան շրջանը, այն ինչ արեւմտեան եւրոպական երկրներում այդ շրջանը սկսել էր XVIII դարի վերջերից և XIX դարի սկզբներից: Կընշանակէ, 60-ական թվականներին Ռուսաստանի ներքին տնտեսական կեանքը դեռ այնպիսի պայմանների մէջ էր գտնուում, որոնց մէջ արեւմտեան երկրները գտնւել էին դրանից շատ առաջ: Եւ որովհետեւ գաղափարը կամ մարդոց աշխարհայեցողութիւնները օղից կալւած բաներ չեն, որտեղից մարդիկ կարողանային պատարաստի վերցնել, այլ նրանք ծագում ու գարգանում են կեանքի ու ժամանակի աղբեցութեան տակ, ուստի շատ բնական է, որ XVIII դարի վերջերում ապրող գիտնականները բոլորովին տարբեր բեցէտպներ էին առաջարկում մարդկութեանը, քան XIX դարի սկզբներում ապրողները. ճիշտ միւսնայն պատճառով էլ շատ բնական ու հասկանալի է դառնում, 60—70 ական թվականների, ռուսաց յետամնաց կեանքի ապրող, տաղանդաւոր Չերնիշևսկին և միւս մտածողները իրանց խնկական ուսուցիչներից բոլորովին տարբեր գաղափարներ ու տարբեր աշխարհայեցողութիւններ ունէին: Եւ այն ժամանակ, երբ, ինչպէս վերևում ասացինք, Լասպլը ամբողջապէս բանւորական խնդրով էր զբաղւած, Չերնիշևսկին զիւղական համայնքներով էր ողկորոսւմ: Այն ժամանակ երբ Տնտեսական Մատերիալիզմը Եւրոպայում զբաղեցնում էր բոլոր յառաջողէմ կրօնակցութիւններին, Ռուսաստանի արմատականները միշտ իղիօլօգներ մնալով, այն բեցէպտ-

ներն էին առաջարկում իրանց հայրենիքին, ինչոր եւրոպացիները առաջարկել էին դեռ XIX դարի սկզբներում:

Արդ բեցէպաների իմաստը կարելի է անփոփել հետեւեալ կերպով, քանի որ մարդկութիւնը թշուաութիւնից ու տառապանքներից ազատելու և բնդհանուրին հաւասար երջանկութիւն ու բարեկեցութիւն տալու համար, Մէն-Սիմոն, Ֆուրիէ և միւսները ասում են, որ հարկաւոր է այնպիսի հասարակական կազմակերպութիւն ստեղծել, որտեղ հաւարալութեան անդամները հաւասարապէս աշխատեն և հաւասարապէս վայելեն իրանց աշխատանքի պտուղները, և քանի որ ռուսաց գիւղական համայնքները ու արհեստաւորական արհիւները ճիշտ այդպիսի սկզբունքներով կառավարող հաստատութիւններն են, ուրեմն ինչու սպասել կամ թոյլ տալ, որ այդ հիմնարկութիւնները բայ-բայեւն և ապա նորից հաստատուին, մինչդեռ շատ հեշտութեամբ կարելի է գրանց գարգացնել, փոքր ինչ ազնււացնել, բաղաբակրթւած կերպարանք տալ, աւելի բնդարձակել և ահա դրանցից կստեղծւի այն բղձալի հասարակական կազմակերպութիւնը, որի վրա այնքան գլուխ են յոգնեցրել Եւրոպայի առաջողէմ մարդիկը...

Ո՛չափ հրապուրիչ և միանգամայն խրախուսիչ մըտքեր: Կընշանակէ ռուսաց կեանքի յետամնացութիւնը հէնց նրա երջանկութեան՝ աղբիւրը պիտի գտնայ. մինչ յիմար եւրոպացիները ահագին տանջանքների միջից անցնելուց յետոյ միայն պիտի վերջիվերջոյ վերադառնան համայնական կազմակերպութեան, Ռուսաստանում այդ կազմակերպութիւնն արդէն վաղուց գոյութիւն ունի: Ուրեմն, մի՛թէ սխալւում էին սլաւիանոֆիլները, երբ ասում էին

թէ՛ վերջիվերջոյ՝ Եւրոպան պիտի հետևի Ռուսաստանի օրինակին...

Եւ ահա այդպիսի ուտոպիստների սրբեցութեան տակ, 60-ական թւականներից սլսած, Ռուսաստանում մի տեսակ գիւղացիական-մոսթիկի- կոչոս է սկսում: Առաջագիմական կուսակցութեան հրապարակախոսները, սոցիալօգներն ու քաղաքամտեաները քարոզում են երիտասարդութեանը՝ զնալ ռամիկ ժողովրդի մէջ մտնել. նրանց հետ ու նրանց կեանքով ապրել, գիտութեան զէնքերով ցրել ռամիկի նախապաշարունները, սնտիպաշտութիւնները, իրանց մարտը և ազնիւ օրինակով ազնուացնել ու բարեկրթել գիւղացիներին և վերջապէս, աշխարհի շարն ու բարին նրանց սովորեցնելով, աւետել մտաւկայ գտլիք երանութեան օրերի մասին: Այդ ժամանակներից սկըսած՝ մոսթիկը ռուս բանաստեղծների ու վիպասանների ամենագլխաւոր նիւթն է դառնում. ուսումնասիրում է գիւղական կեանքը իր բոլոր մանրամասնութիւններով, իսկ գիւղացին իր հոգու բոլոր ելեէջներով: Երիտասարդութիւնը հպարտացած իր մեծ կոչումով, ինքնավստահութեամբ արձագանք է տալի իրան կոչող ձայնին. նրանք խմբերով թողնում են քաղաքների փափուկ կեանքը, ցուում են հեռաւոր գիւղերը, ապրում և դործում են այնպէս, ինչպէս իրանց ուսուցիչներն են պատւիրում. մի խօսքով՝ սկսում է մի ընդհանուր և շահագանցող ոգևորիչ շարժում, որ տևում է մինչև 80-ական թւականները... Մինչև օրս էլ թէ՛ ռուս և թէ՛ հայ երիտասարդութեան մեծամասնութիւնը այդ միևնոյն գաղափարներով է սրնւում ու զարգանում: Եւ ո՛ւմ չեն կրթել ու սգևորել ն.

Միխայիլովսկի, Վ. Վ. Նիկոլայ-օն, Ըշապով, Գ. Լ. Ըչեգրին, Ուսպենսկին, Նադսոն և այլն և այլն:

Բայց ցուալին այն է, որ պատմութիւնը Ռուսաստանի վերաբերեալ նոյնպէս անողոր գտնեց, ինչպէս անողոր էր արևմտեան Եւրոպայի վերաբերեալ: Զբնայած բոլոր թափած ճիգերին, շքնայած զոհարերութիւններին ու աշխատութիւններին, փոխել պատմութեան ընթացքը և շուտ տալ նրա անիւր - օշինչ, բոլորովին ոշինչ շքայնուցեց: 60-ական թւականների Զերնիչեակի և 70-ական թւականների ն. Միխայիլովսկիի պաշտպանած ու փառալանած գիւղական համայնքները ճակատագրական կերպով սկսեցին քայքայել, ինչպէս քայքայել, էին նրանք Գերմանիայում դեռ 30—40-ական թւականներին: Ճորտութիւնը վերացնելուց յետոյ, այստեղ էլ բոյն գրեց կապիտալիստական արդիւնաբերութիւնը: Իսկ շոգին ու մեքենաները այնպիսի մի մոգական ոյժ ունին, որի առաջ մոմի պէս հալւում են բոլոր նահապետական հիմնարկութիւնները, հաստատութիւնները, սովորութիւնները, մինչև իսկ մարդոց աշխարհահայեցողութիւնները...

ԻՄեռն ֆէօդալականութեան ժամանակ առաջացած նոր անտեսական ու հասարակական պայմանները, ճորտութեան անկումից և բուժուղիայի տիրապետութիւնից յետոյ, էլ աւելի մեծ ոյժով զարգացան, կապիտալիստական արդիւնաբերութիւնը հսկայական բայելքով սկսեց առաջ գնալ, մի կողմից քայքայում էր գիւղական կեանքը, իսկ միւս կողմից աճում էին քաղաշները: Քաղաքային լուսաւոր կեանքը աւելի հեշտութեամբ բորտակեց գիւղերից եկած ժողովրդի սնտիպաշտութիւններն ու նախապա-

չարումները, քան այդ կարողացել էին անել իդիօլոգներ
 րի մեծահատոր իրաւաները: Կապիտալիզմը և քաղաքային
 կեանքը բնական կերպով յղացրին այնպիսի պահանջներ
 և առաջացրին այնպիսի հիմնարկութիւններ ու հաստա-
 թիւններ որոնց մասին, ֆէօդալականութիւնը չէր էլ ե-
 րազել, ինչպէս օրինակ հեռագիրը, հեռախօսը, բռնկը,
 բոլոսան, հիւրանոցները, պոստականոցները և այլն: Գոր-
 ծարանական կեանքը կատարելապէս փոխեց մարդոց նիստ
 ու կացն անգամ, ինչպէս օրինակ՝ գործաւորների միա-
 ժամանակ գարթնելը, գործի գնալը, միաժամանակ ճա-
 շելն ու քնելը: Կերպարանափոխած կեանքի համաձայն
 էլ փոխուցին և մարդոց աշխարհահայեցողութիւններ. այն
 ինչ նահապետական կեանքի ժամանակ անգարոյական էր
 համարուծ, այլ ևս բարոյական դարձաւ— a vis versa.

Եւ ահա այդ արդիւնաբերական միջոցների զարգաց-
 ման ու անտեսական յարաբերութիւնների փոխելու շնոր-
 հով, մարդկային պահանջներէ, կեանքի գաղափարների և
 հասարակական կազմակերպութիւնների փոփոխութիւն-
 ները խորապէս քննելուց և լաւ ուսումնասիրելուց յետոյ
 դեռ 40-ական թւականներին՝ Կարլ-Մարքս և Փրիդրիխ
 Էնգելսյս պատկառելի գիտնականներ հրաժարուցին իրանց
 նախկին իդէալական աշխարհահայեցողութիւններից և հիմք
 դրին «ճնշեստական Մասեիալիզմ» անուն կրող փի-
 լիսոփայութեանը: Այդ փիլիսոփաները իդիօլոգների աշ-
 խարհահայեցողութիւնը մարդկային պատմութեան վերա-
 րերեալ, բոլորովին գլխի վրայ շուռ տուցին կամ, ինչ-
 պէս իրանք էին ասում, մինչև այդ ժամանակ գլխի վրայ
 ման եկող փիլիսոփայութիւնը նրանք ոտքի վրայ կանգ-

նեցրին:

Ընթեքողը արդէն մատամբ տեսաւ, թէ ինչումն են
 կայանում մատերիալիստիական փիլիսոփայութեան գլ-
 լաւոր հիմունքները: Բայց նրան ամբողջացնելու համար
 մենք կամփոփենք հետեւեալ ձևով.

Ոչ թէ մարդիկն են իրանց գաղափարներով ստեղ-
 ծում պատմութիւնը և նրան իրանց ուղածի պէս, այս
 ու այն ուղղութիւնը տալիս, ինչպէս կարծում էին իդիօ-
 լոգները, այլ նա պատմութիւնը— իր նախագծած ուղին
 ունի, որին մարդիկ անկարող են փոխել: Ինչպէս ստա-
 ցիկը. գաղափարը օդից կախած մի բան չէ, որին մար-
 դիկ կարողանային, իրանց խելքի ուժով վերցնել ու նրա
 համաձայն իրանց համար պահանջներ ստեղծել և, այդ
 պահանջներին զոհացում տալու համաւ էլ, նիւթեր ար-
 տազրել. այլ ընդհակառակը՝ մարդկային երբեքան պա-
 հանջներն են նրանց մէջ այս կամ այն գաղափարը ծա-
 գեցնում. օրից յետոյ նրանք, այդ պահանջների համա-
 ձայն, փոխում, կատարելագործում են իրանց արդիւնա-
 բերութեան եղանակը և միջոցները, իսկ այս փոփոխու-
 թիւնն ու կատարելագործութիւնը առաջ են բերում այն-
 պիսի անտեսական ևս պայմաններ ու հանգամանքներ,
 որոնց շնորհով, ճակատագրական կերպով փոխում են
 և մարդոց անտեսական յարաբերութիւնները և ապա այս
 վերջին հանգամանքի ազդեցութեան տակ, բոլորովին բնա-
 կան կերպով կերպարանափոխում են նաև երկրի հա-
 սարակական, սոցիալական ու քաղաքական կազմակեր-
 պութիւնները: Օրինակի համար, եթէ մարդիկ իրանց ստա-
 մոքսի պահանջը չունենային, նրանք ձուկ և անասուններ

որապէս համար, դանուզան գործիքներ հնարելու և կատարելագործելու գաղափարն էլ չէին կարող ունենալ: Եթէ կանանց կամ տղամարդկանց հրապուրելու պահանջը, չբզգացէր, սարդիկ զանազան զարգարանքներ չէին ստեղծիլ իրանց համար: Եթէ գոյութեան կուրի պայմանները դժուար չլինէին, մարդիկ իրարու հետ չէին համախմբուիլ ցեղեր, ազգութիւններ ու տէրութիւններ չէին կազմի: Եթէ երկրագործութիւնը չլինէր, մարդիկ նստակեաց կեանքի չէին սովորիլ և բացառապէս երկրագործութեամբ պարապելու ու «հայրենիքի պաշտպանութեան համար պատերազմողներին» կերակրելու նպատակով, չէր հաստատուիլ դերութիւնը: Եւ այդ գերութիւնը ու գրանից յետոյ ճորտութիւնը վերացել են քաղաքակրթւած երկրներից, ոչ թէ այն պատճառով, թէ մարդիկ իրանց գաղափարների աղնուանսով, համոզել են զրանց վատ բան լինելը, այլ պարզապէս նրանից, որ, ինչպէս վերևում տեսանք, տնտեսական պայմանները այնպէս էին փոխուել և այդ պայմանների շնորհով, հասարակական ու սոցիալական կեանքը հետզհետէ այնպէս էր դասաւորուել, որ գերութիւնն ու ճորտութիւնը այլ ևս ոչ միայն անյարմար ու անպէտք էին զգացուում, այլ և նրանք մեծ խոչնդոտներ էին երկրի յետագայ զարգացման համար: Կապիտալիստական արդիւնաբերութիւնը, վիթխարի գործարաններն ու մեքենաները այնպիսի պահանջներ էին դրել կեանքի առաջ, որ այլ ևս անհնար էր ճորտութիւնը պահպանել. և նա ընկաւ իբրեւ բնական ու նակասագրական հետևանք արդիւնաբերական միջոցի զարգացման:

Տնտեսական Մատերիալիզմի փիլիսոփայութիւնը այդ

տեղ կանդ չէ առնում. նա էլ աւելի է առաջ գնում իր ուսումնասիրութիւնների մէջ և, փոխանակ իրօրոգների ոմանց նման ողբալու և կապիտալիստական արդիւնաբերութիւնը մի շատ վնասակար բան հռչակելու, ցոյց է տալիս, որ կապիտալիզմը իրան վատ և աղետալի կողմերի հետ միասին, ունի նաև շատ լաւ կողմեր: Բացի դրանից, մատերիալիզմը ցոյց է տալիս, թէ ինչպէս. այդ նոյն կապիտալիստական արդիւնաբերութեան սխտեմը առաջացնում և հետզհետէ զարգացնում է այնպիսի, առաջաւնից տարրեր ու բոլորովին նոր տնտեսական հասարակական ու սոցիալիական պայմանները, որոնք երկսայրի սրի դեր են կատարում, մի կողմից քայքայում խորտալուծ են հին հին նահապետական կարգերը, իսկ միւս կողմից մի ուրիշ նոր տնտեսական ու հասարակական կազմակերպութեան համար հոգ են պատրաստում: Արդ վերջին ծագած պայմանների հիման վրայ, Մատերիալիզմի հիմնադիրները արդէն հռչակում էին այն ապագայ տնտեսական ու սոցիալական կազմակերպութիւնը, որին ճակատագրական կերպով տեղի պիտի տայ ներկայ կապիտալիստական կազմակերպութիւնը. ինչպէս որ այս վերջինին տեղի էր աւել ճորտութիւնը:

Ի՞նչ — բացականչում է իրօրոգը. — ուրեմն, մինչև այդ ժամանակ, անհատը ոչինչ անելիք չունի, պատմութեան մէջ նա պիտի ձեռքերը ծալած նստի՞, մինչև որ իրերի ընթացքը իրանց գործը կատարեն: Կընշանակէ, մարդիկն էլ նոյն հլու մեքենաներն էն կեանքի ձեռքում ու պիտի անխօս հպտտակելին իրանց ճակատագրին...»

Պիտի հպտտակել, թէ չըպիտի հպտտակել — այդ ու-

րիչ խնդիր է, միայն թէ այդպէս է կեանքը և այդպէս է անողորմ պատմութիւնը: Սակայն եթէ անհատը անկարող է պատմութեան անիւր շուռ տալ ու նրա ուղուցիւնը փոխել, այդ դեռ իհարկէ չէ նշանակում, թէ նա—անհատը—օչ մի կատարելիք դեր չունի: Ամենից առաջ, անհատը պէտք է բոլորովին անաշառու թեամբ որոշի ու ըմբռնէ պատմութեան դժած ուղին, պիտի ուսումնասիրէ ու հասկանայ նրա ներկայ շրջանի ստեղծած հանգամանքները, պայմանները և ամէն կերպ ջանալով յարմարել այդ հանգամանքների հետ, ամբողջ ուժերով պէտք է աշխատի, որ մարդկութիւնը կարելի եղածին չափ շատ և հաւասարապէս օգուտի դրանցից: Դարերից ի վեր մարդկութիւնը ձգտել է ու ձգտում է կարելի եղածին չափ իյչ աշխատանքով կարելիին չափ մեծ բարօրութիւն ունենալ: Եւ արդէն արդիւնաբերութեան միջոցների զարգացումը, շոգին, էլեկտրականութիւնը մերենասները, աշխատանքի բաժանումը և այլն—բոլորն էլ այդ տեսլանքիցն ունին և այդ նպատակին են ձգտում: Արեւմտեան, միջին և արևելեան համար աւելի նպատակայարմար չէ, որ նա փոխանակ իրերի ձգտումը արդելելու ապարդիւն ձիգերը թափելը, յարմարի պատմութեան ընթացքին և իր աշխատութեան եզանակը այնպէս ուղղի, որպէսզի իրերի—այդ քիչ աշխատանքով մեծ բարօրութիւն ձեռք բերելու—տենդէնցիայից կարողանան օգուտի, ոչ թէ փորձամանութիւնը, «արտօնեակները» միայն, այլ մարդկութեան մեծամասնութիւնը ընդհանրութիւնը... Մի՞թէ դա փոքր և չնչին աշխատանք է անհատի համար *): Մի

*)Е. А. Соловьевъ „Роль личности въ исторіи

որամիա քաղաքատնտեսի հաշուով, որի անունը չենք մտաբերում,—այս բոլորն մերենայագործութիւնը և տեխնիկան այն աստիճան զարգարած են, որ եթէ միմիայն Աւստրիայի ժողովուրդը աշխատի օրական 10 ժամ, կարելի կըլինի ամբողջ Եւրոպայի բոլոր պէտքերին լի ու լի բաւարարութիւն ապա: Իսկ եթէ, ուրեմն, Աւստրիայի ժողովրդի հետ միասին աշխատեն և Գերմանիայի և Ֆրանսիայի և այլն ժողովրդները, այն ժամանակ, կարծում ենք, որ նոյն պէտքերը լրացնելու համար հարկաւոր կըլինի տշխատել, ոչ թէ 10, այլ 4, 3 և պակաս ժամ... Եւ մի՞թէ տշխատանքի այսպիսի խնայողութիւնը պակաս բարիք է մարդկութեան համար:

Հասարակ մահկանացուի լեզուով խօսելով, տհա պայէս կարելի է ձեակերպել և անփոփել Տնտեսական Մտանքեալիքով: փիլիսոփայութիւնը:

V . Ինչպէս առացիներ, այդ ուղղութիւնը առաջին անգամ պարզեցին Մարքս և Էնգելսըր դեռ 40-ական թւականներին, բայց որովհետեւ այն ժամանակներում կապիտալիստական արդիւնաբերութիւն, արեւմտեան եւրոպական երկրներից ոմանց մէջ անգամ, դեռ ևս այնչափ զարգացած չէր, որ հասարակ մահկանացուներն էլ կարողանային այդ երկու հսկանների նման պարզ ու որոշ նկատել, տեխնիկայի զարգացման շնորհով ծագող նոր պայմաններն ու հանգամանքները, պատմական իրերի յառաջադիմութեան վերոյիշեալ տենդէնցիան, ուստի այն ժամանակներում այդ աէօրիան շատ քիչ հետեող-
и теоріи прогресса“ տես ամսաթիւրթ „Жизнь“, հատոր 1X).

ներ ունեցաւ: Բայց տենիխկայի հակայաբար գորդանալովը վերայիշեալ պայմանների ու տենիղինցիայի աւելի ու աւելի պարզելովը, այդ աշխարհահայեցողութիւնները դաւանող մի ահադին կուսակցութիւն կազմեց, որ, զնալով վիթխարի կերպարանք է ստանում: Իսկ Ռուսաստանում, շնորհիւ էր անառական յիտամնացութեան, այդ փիլիսոփայութիւնը միայն վերջին տարիներս է սխտել հետեողներ ունենալ: Թէև դեռ, 80-ական թւականներին ռուսաց գրականութեան մէջ էլ թոյլ կերպով այդ ուղղութեամբ ձայներ լսեցին, բայց ռուսաց իդիօլոգները կամ, ինչպէս իրանք են անուանում, ժողովրդականները (народники), որոնց գլխաւորներն են Ն. Միխայլովսկի, Վ. Վ. Կիկուլայ-օն և K^o, իսկոյն հարայ-հրոց գցեցին, թէ Ռուսաստանում կապիտալիստական արդիւնաբերութիւն չըկայ, չէ կարող լինել և չբազար է թոյլ տալ, որ լինի, թէ՛ սխալ է որ պատմութիւնը իր դժած ուղին ունի, որով պարտաւորաձ պիտի անցնեն բոլոր ազգերը. դուցէ այդ և մատմբ ուղիղ է Եւրոպայի վերաբերեալ, բայց ոչ Ռուսաստանի, որովհետև այս վերջինը այնպիսի հաստատութիւններ ու առանձնայատկութիւններ ունի, որ կարող է կապիտալիզմի աղետարներ պատմական շրջանի վրայից ցատկել և անցնել ուղղակի նրա յիտադայ շրջանը: Վերջապէս սխալ է, — շարունակում են նրանք, — թէ անհատի դերը այդ աստիճան սահմանախակ է պատմութեան մէջ. մարդիկ շատ հեշտութեամբ կարող են պատմութեան անիւր շուռ տալ. և թէ միայն շուռով հասկանան ու ըմբռնեն նարոզնիկների ասածները...

Սակայն, հակառակ ռուս իդիօլոգների բոլոր աշխա-

տանքներին ու ջանքներին, պատմութիւնը Ռուսաստանում էլ շարունակեց իր դժած ուղիով ընթանալ և այդ երկիրն էլ մեր աշքերի առաջ խոշոր արդիւնաբերական երկրներ շարքն է անցնում: Իսկ դրա հետեանքն այն է, որ Տնտեսական Մատերիալիզմը այստեղ էլ հետզհետէ հետեողներ է գրաւում և այսօր այդ ուղղութիւնը ռուսաց գրականութեան մէջ մի շատ պատկառելի տեղ է բռնում: Բայց զարմանալին այն է, որ ծերունի ժողովրդականները, չըկարողանալով իրանց իդիօլոգիական աւանդութիւններից հրաժարուել, ոչ մի կերպ չեն ուզում համաձայնել երիտասարդ մատերիալիստների հետ և ամենայն յամառութեամբ շարունակում են պնդել, թէ Ռուսաստանը բոլորովին տարբեր երկիր է ու պատմութեան մէջ բոլորովին տարբեր դեր ունի կատարելիք: Ի դուր են երիտասարդ ուսումնասէրները աշխատում, դեռ երեկւան իրանց ուսուցիչներին ազացուցանել, թէ Ռուսաստանն էլ արդէն կապիտալիստական սիստեմով արդիւնաբերող երկիր է դառել, թէ ժողովրդականների ասածները կամ առարկութիւնները բոլորովին նորութիւն չեն, թէ՛ արեւմտեան Եւրոպայի իդիօլոգներն էլ մեշա միևնոյն առարկութիւններն ու փաստերն էին ներկայացնում դիցուք Ֆրանսայի վերաբերեալ, երբ այդ երկրի մէջ էլ խոշոր արդիւնաբերութիւնը դեռևս այսօրեան աստիճանին չէր հասել: Ուսուցիչները ոչինչ չեն ուզում լսել և էլ աւելի են զայրանում, որ երեկւան, իրանց լսող ու իրանցմով ոգևորող, աշակերանները այսօր իրանց հետ վէճի են կանգնել ու չեն համաձայնում իրանց հետ: Եւ այստեղից մի շատ հետաքրքիր ու միևնոյն ժամանակ խղ-

ճարտարական է ստացւում. մի կողմից՝ երկտասարդ Բէյլտով, Մարուվէ, Տուզան-Բարանովսկի և ուրիշներ, սրտնք, զինւած զիտութեան ու կեանքի վերջին փաստերով, աւելի պարզերին, աւելի մեղմ, հսկայրեմն ծաղրադ ու հեզնական ոճով մատերիայիցմի նոր տէօրիան ու աշխարհահայեցողութիւններն են թարգում և ապացուցանում, եսկ միւս կողմից՝ ծիրունի ն. Միխայլովսկին իւրայններով, աւելի զրգուած ինքնասիրութիւնը վիրտուօրում զայրացկտ եղանակով շարունակում են իրանց հին իղէպլիզմի արագիցիաները պաշապանել: Թէև առաջին կուսակցութիւնը համեմատաբար զեռ փոքր է և աւելի աննպաստ հանդամանքների մէջ է գործում, այնուամենայնիւ, կասկած չըկայ, որ վերջիվերջոյ յաղթութիւնը այդ կուսակցութեանը պիտի լինի... Այն, անխիղճ և անուղար են կեանքն ու պատմութիւնը, նրանք, վերացական դադափարների նման, կանգ առնել չըգիտեն, այլ միշտ փոխւում, զարգանում ու առաջ են դնում: Վայ նրան, ով չէ կարողանում ժամանակին ընթանել իր պատմական շրջանը ու իր շրջապատող կեանքի ոգին ու պայմանները. այդպիսի մարդն որչափ էլ ազնիւ ու վեհ ձգտումներ ունենայ, դարձեալ չէ կարող առաջադիմական գեր լազալ պատմութեան մէջ: Այն ինչ 20—30 տարի առաջ համարւում էր առաջադիմական, այսօրւան համար այլևս պահպանողական է դառել: Ճիշտ այդ է պատճառը, որ ռուսաց գրականութեան 70—ական թւականների հսկան, վաղեմի ամենաարմատական ն. Միխայլովսկին և միւս նարդնիկները, որոնցմով մինչև այսօր էլ դեռ հմայում ու ոգևորում են ռուս և թէ հայ երկտասարդներից շա-

տերը, ծաղրի ու հեզնութեան են ենթարկւում երկտասարդ գիտնականների կողմից, իբրև պահպանողականներ, գիտութեան օրէնքները լաւ չհասկացողներ կայն: Եւ յիշուի. արևմտեան եւրոպական երկրների օրէնակը, Ռուսաստանի ներկայ տնտեսական ու հասարակական կեանքի մէջ մտնող նոր ու նոր փոփոխութիւնները, մի խօսքով՝ ամէն բան, աւելի ու աւելի պարզում և հաստատում են Տնտեսական Մատերիալիցմի ճշմարտութիւնը...

Յանկալի է, որ մեր մամուլն էլ (մեր խօսքը բացառապէս Ռուսաստանի հայ մամուլի մասին է) փոքր ինչ աւելի հետաքրքրէր մատերիալիցմի աշխարհայեցողութիւններով և այն չափազանց հետաքրքիր ու խրատական վէճերով, որ այժմ տեղե են ունենում ռուսաց մամուլի մէջ: Ինչպէս սկզբում ստացինք, մեր երկերը չափազանց սերտ կապերով է կապւած Ռուսաստանի հետ և նա էլ արդէն սկսել է կապիտալիստական արդէնաբերութեան շրջանի մէջ օտք դնել: Յանկալի է, որ տնտեսական մատերիալիցմին լաւ ծանօթ և ձեռնհաս երկտասարդները հրապարակ դուրս գան, թէ ինքնուրոյն և թէ թարգմանական յօդւածներով, մեր աղքատիկ գրականութեան մէջ էլ սկսեն այդ աշխարհայեցողութիւնները և մեր կեանքի մէջ նոր ծագող տնտեսական ու սոցիալական խնդիրները:

Վ. Ե. Բ. Զ.



...ստեղծ կողմերով մեծ մասնակցություն ունի հարկի պահպանման գործընթացում, որի պատճառով անհրաժեշտ է ներդրումներ անել հարկի վճարման գործընթացում, որի պատճառով անհրաժեշտ է ներդրումներ անել հարկի վճարման գործընթացում...

...հարկի վճարման գործընթացում անհրաժեշտ է ներդրումներ անել հարկի վճարման գործընթացում, որի պատճառով անհրաժեշտ է ներդրումներ անել հարկի վճարման գործընթացում...

...հարկի վճարման գործընթացում անհրաժեշտ է ներդրումներ անել հարկի վճարման գործընթացում, որի պատճառով անհրաժեշտ է ներդրումներ անել հարկի վճարման գործընթացում...

ՆՈՅՆ ՏՊԱՐԱՆՈՒՄ ԾԱԽԻՈՒՄ Է ԱՏՐՊԵՏԻ

Վ Ի Պ Ա Կ Ա Ն


ԱՄՍՏ թրքահայերի կեանքից երկրորդ տպագրութիւն				
Երկու հատոր, իւրաքանչիւրի գինն է 1 ռ.	5 ղո.			
Ընտիր թղթի վրա	2 ըուրլի—կամ	10 ղո.		
ԵՆԻ - ԿԱՐԱՊԵՏ . Թրքահայ. կեանքից	"	1 ռ.	5 "	
ՆՈՐ - ԵՂԻԿ	"	30 կ.	30 շճ.	
ԽՆՈՅ	"	30 կ.	30 շճ.	
ԵՌԵՆԳԻՆԵՐ	"	30 կ.	30 շճ.	
ԵՐՄԵՆ ՈՒՇԵՆԵՐ	"	25 կ.	25 "	
ԻՌԻՆՍՊԵՐՏԻՆԵՐ	"	10 կ.	10 "	
ԻՌԵՆԵՆԵՐ ԳՆՈՍՆԵՐ	"	1 ռ.	5 ղո.	
Ընտիր թղթի վրա	2 ըուրլի—կամ	10 ղոան		
ԱՌՇՆԻ 77-8 թ. Ռուս թուրք կուլից արկած	1 ռ.	5 ղո.		
Ընտիր թղթի վրա	2 ըուրլի—կամ	10 ղոան		
ԱՏԿԵՐՆԵՐ Տասը Պատ. թրքահայերի կեանքից	1 ռ.	5 ղո.		
Ընտիր թղթի վրա	2 ը.	10 ղո.		
ԻՊԿԱՆԵՐ Երկու վեպ. Թրքահայերի կեանքից	1 ռ.	5 ղո.		
Ընտիր թղթի վրա	2 ը.—կամ	10 ղո.		

ՈՂԲԵՐԳԱԿԱՆ

ՌՈՇՆ Երեք արարած. թրքահայ կեանք	1 ռ.	5 ղո.		
ԱՐՐԵՓ Հինգ	"	30 կ.	30 շճ.	

Ո Ռ Ս Ո Ռ Մ Ն Ա Ս Ի Ր Ո Ռ Թ Ի Ի Ն

ԱԸԼԻՓԸՐ Պատմական տեսութիւն. 30



<< Ազգային գրադարան

NL0152967

Մ Ա Ր Ի Ո Ւ Մ Է

Հ Ե Ղ Ի Ն Ա Վ Ի Թ Ա Ր Գ Մ Ա Ն Ա Վ Ա Ն

Ա Շ Ի Ա Տ Ո Ւ Թ Ի Ի Ն Ն Ե Ր Ը

Կ. ԿՍՈՒՅԿԻ ԿՈՐՆԻԱԿԱՆ ԲԱՊԱՖԱԿԱՆՈՒՐԻՆԵՐ

Գինն է 2 դր. 40 կ.

Ֆ. ԿՕՊՊԵ ՀԷՆՐԻԷՏ ՎԷՍՍՅՈՒՆ

Գինն է 3 դր. 50 կ.

Գ Ի Ն Ն Է

10 շահի կամ կող 10.